

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...**

**Fronsberger, Leonhardt**

**[Franckfurt am Main], 1558**

**VD16 F 3129**

Die Gerichtsordnung vnder den Landsknechten zufüren vnd zuhalten.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)



## Die Gerichtsordnung vnder den Landsknechten zufführen vnd zuhalten.

**A**ffentlich wa ein Herr ein Regiment auffrichten will/ So soll der Oberst Feldhauptman nach einem verstandigen Kriegsmann trachten/ der geschickt vnd Kriegsrechts erfahren sey/ denselbigen mag er zu eyernem Schultheissen machen/ vnd im den Stab vberlifern/ ihn Eydsplicht ermanen/ vnd einbinden/ das er denselbigen Stab wöll führen/ dem armen als dem reichen/ niemands zu lieb noch zu leyd/ sonder nach dem Göttlichen Rechten ein vrtheil sprechen.

Zum andern/ soll der Schultheiß vmb zwölff geschickt männer sehen vnd trachten/ dieselbigen sollen darauff bestellt werden/ vnd wachtfrey sein/ vnd hat inen zugebieten vnd zubeuelhen was billich ist.

Zum dritten/ soll der Schultheiß sampt den Zwölffern dem Obersten ein Eyd thun/ zu Gott vnd dem heiligen Euangelio/ das sie wöllten vrtheilen vnd Recht sprechen/ dem Armen als dem Reichen/ dem Reichen als dem armen/ hierinn nit gedencen feindschaft/ gefetterschaft/ weder gunst/ gab/ neid noch haß/ sonder sie sollen sein trewlich vnd vngewärllich in allen sachen/ als weit jr verstand reicht vnd außweist/ das sie wöllten das Gott der Allmechtig am Jüngsten Gericht vber ihr arme seel richten soll/ mitt seinen heiligen Zwölff botten.

Zum vierdten/ ist der Gerichtschreiber schuldig mitt zuschwören ein Eyd wie obgemelt/ das er vmb sein gepürlichkeit im Rechten/ vnd außserhalb des Rechten schreiben wöll/ nit zuvil noch zuwenig/ sonder was ins Recht sey fürbracht. Es soll auch der Gerichtsweybel mitt schwören/ das er vmb sein gepürlichkeit fürbieten/ zu rechter zeit vnd weil/ trewlich vnd vngewärllich/ darmit keiner vor dem Rechten in versamnuß komme.

## Volgen hernach die Gerichtsleut so dem Schultheissen schuldig seind zuthun/ nach billigkheytt ꝛc.

**I**m ersten sollen die Richter mit sampt dem Schultheissen ein Eyd thun zu Gott vnd seinem heiligen Euangelio/ alles was sie richten vnd vrtheylen zuuerschweigen bis in jr gruben.

Zum andern/ sollen die Richter dem Schultheissen schwören gehorsam zu sein in allen billichen sachen.

¶ Zum